

**Àṅwà'ànè Paul a mbo
FILEMON
Àṅwà'ànè yìi Paul a le ntoo a
mbo Filemon aà**

NJI'INNŪ ANWÀ'ANƏ YŪ

A àṅwà'ànè yŭ aa a le ṅṅwà'ànə Paul a mbo Filemon, yìi mə à le mbə Krisən yì n̄t̄insè, ṅḡhòtə i boòntə ghu nda aà. ṅḡhotə ya ghu nda, Affia ni Arkipus, bo le ṅki n̄tswe n̄ n̄t̄woṅə àṅwà'ànə ma yŭ. Paul à le ṅṅwà'ànə àṅwà'ànə ma yŭ aa a atsaṅə. Bì t̄woṅə Filemon, a bò'ò ni BaKolosi, BaEfeso, ni BaFilipi aa n̄ “ṅṅwà'ànə Atsaṅə” n̄loṅ mə Paul à le ṅṅwà'ànə aa wa noò mə à le n̄tswe a atsaṅ aà.

Onesimus, àbù'u Filemon, à le mfè'è ṅkhə ṅḡhèè yi a Roma, n̄tsi'i Paul ghu a atsaṅ, a swòṅ n̄too yì n̄sigìnə ya ghu mbo, a bəṅkə n̄t̄i yi mbii Kristo, n̄tigə n̄tswe bo Paul, ṅkwetə nii. Nòṅsè baRoma à le ndi'i mə mbə Filemon à le tse zwitə abù'ú yi Onesimus n̄loṅ mə à le mfè'è ṅkhə, ṅki nyərə ṅkabè yì aà (18). Paul à le n̄tigə n̄lɔɔ a mbŭ mb̄nsə Onesimus fu a mbo taà yì, Filemon, n̄tigə ṅṅwà'ànə àṅwà'ànə yŭ ghu mbo, n̄lètə nii mə t̄a à kwerə n̄ n̄t̄i yi ts̄im ts̄ò n̄d̄im yì, ts̄its̄on mə à t̄igə mu Kristo aà.

Àṅwà'ànə ma yŭ a d̄i'i n̄t̄i Paul ts̄ò ṅḡàṅàfà'á Mmà'àmbi atsaṅə, ṅkii ndi'i n̄ àdà'a n̄too yì

̀nsig̀nè a ̀kwensè ̀u. Onesimus à ̀ mbə̀kə ntigə ̀u ỳ mfi, ntigə mfa'a sig̀nè (11).

Bì yatə ̀wà'ànè ỳ aa laà:

1. Nji'innũ ̀wà'ànè yuà 1-3
2. Ajàn mə Paul à ̀ mbeentə Filimon aà 4-7
3. Ajàn mə Paul à ̀ si tsà'àsè Filemon nlon Onesimus aà 8-22
4. Innũ j̀i mə Paul à ̀ nswonə a nlwĩ'isə aà 23-25

Atsà'atè

¹ ̀wà'ànè ỳ a lo aa a mbo mə Paul, ̀gà̀tsáŋ Kristo Yesu bo bì a mbo Timoti, ̀dĩm ỳ'ìnè, ̀ghεε ni a mbo Filemon, ̀sũkà'â ỳ'ìnè ỳ ̀sig̀nè, ̀u àkòrê ỳ'ìnè a adigə afà'à, ² bo bì a mbo Affia, ̀jàantê ỳ'ìnè, ni a mbo Arkipus, ̀u àkòrê ỳ'ìnè fàa mum fikòrè, bo bì a mbo ̀ghòtə ya mə i bòontə a nda wò aà.

³ Tà ̀bòn Nwĩ ni mbɔɔnə ỳi mə i lò a mbo Nwĩngon Taà ỳ'ìnè ni a mbo Mmà'ambi Yesu Kristo aa tâ tswe a mbo bù.

Ajàn mə Paul a tsà'atè Nwĩ ̀wa'atə nĩ Filemon ghu aà

⁴ Mə fa mbi'ikə a mbo Nwĩngon a ̀gòn bìnòò bi tsim a ajàn ỳi mə mə tsà'atè nĩ Nwĩ ̀wa'atə nĩ ghuu ghu aa, ⁵ nlon mə mə yu'u akò̀nè bo bi àbiintii ỳi ò tswe ni yu a nu Mmà'ambi Yesu bo bì bə̀ bì Nwĩ bi tsimè. ⁶ Mə kii ntša'atə Nwĩ mə ajàn ỳi mə o swon annu nlon àbiintii yo a mbo bə̀ aa, tâ à ghìrə bə̀ nanse nzi innu j̀i sig̀nə tsim j̀i à ni j̀i'ìnè a mum Kristo aà. ⁷ Wa ntii gha i non nĩ mbɔɔnə ̀ki nluu ni ̀dorə, nyonə a

njìmè àkòṅnê yo mba ndîm ghà, ònlon mē m̀ntii mi bê bi Nwî bi tsim mi tsya a njim wò m̀fwetə.

Paul à bu'ù m̀bo a m̀bo Filemon ònlon ṅḡaa abù'ù yi Onesimus

⁸ Nlon ma yâ ànnù m̀bè m̀è tse tãṅ ntii tsi'í tsó ndîm ghò a mum Kristo a nswon a m̀bo wò m̀è tâ ò ghìrè annù yìi m̀è a ku'unə a ṅghìrè aà. ⁹ Lâ, ònlon ajàn yìi m̀è m̀è kòṅə gho aa, m̀è bàṅnè m̀bu'u aa m̀bô. M̀è ghìrè ma mùu ajàn ka m̀è à ni m̀è Paul aa, ṅù yìi m̀è a ghàà ni tsusè atú Kristo Yesu, m̀è à tìgə ṅki m̀bè ṅḡàṅàtsan tsìtsòn m̀bi'i ṅkwítú yi aà. ¹⁰ M̀è bu'u m̀bo a m̀bo wò a atu Onesimus, yìi m̀è à ki ntigə mú ghà a mum Kristo a ndá àtsanə aà. ¹¹ A le m̀bè nî noò yí m̀'ò aa kaa a wa'à nî àfà'à a m̀bo wò tswè, la tsìtsòn, à nanşə tswe nî ìfà'à a m̀bo wò ṅki ntswe ni ghu a m̀bo m̀è. ¹² M̀è tsyàsè nii fu a m̀bo wò, ònanşə ntsyasə aa òtìi ghâ. ¹³ Bəṅ m̀è laa ndoritə a nləə yu a m̀bo m̀è m̀è m̀bè a kâ m̀fa'a a m̀bo m̀è nî ṅkwitu gho fàa noò m̀è m̀è tswe a ndàtsan nlon ntoo yì òsìḡìnè yú aa, ¹⁴ lâ m̀è bàṅnə ṅkòṅtə m̀è kaa m̀bè m̀è ki'i annù tsu ghìrè tì betə gho ònlon m̀è kaa m̀è si nî gho laa ḡàansè ḡanse, a bəṅ m̀è tâ ò ghìrè bə ni kòṅə yò.

¹⁵ Nòò tsù àà ànnù yìi m̀è à le mmà'àtə gho ṅkhè yi a ni mú àtìi noò aa, m̀è m̀bè a bú m̀bìi fu a m̀bo wò, bú yu tswè òlwi'i nṅkoṅə. ¹⁶ La tsìtsòn, kaa à sì aa tsi'í àbù'ù bê, à tsyàtə àbù'ù, àa ndîm gho yìi m̀è ò kòṅə yi a mum Kristo. Wa m̀è nanşə ṅkòṅə yi, lâ m̀è wà'àtə m̀è ò bàṅnə ṅkòṅə yi ntsyatə ghâ, tsó m̀è à ni ndîm ghò

ñùmìsòṅ ñki mbu mbə ndîm ghò a mum Kristo aà. ¹⁷ Mbə a bə yîi mə ò lògə a gha tsi'î tsǒ ñu yîi sǐ fà'à abo mɔ'ɔ, ò kwerè yi tsi'î tsǒ ajàṅə mbə ò ki ñkwerə gha aa. ¹⁸ Mbə a bə yîi mə à le mfànsə annû tsu a mbo wò, kè ñki ntswa gho nì àyoo tsu, ò nìṅə a nsi ikum mè. ¹⁹ Wa mè Paul mə nanşə ṅṅwa'anə yulà aa tsi'î nì àbô yâ, wa mè ka twu. Lá wa'atə siginè mə ibiïnû gho wòmboṅ i tswé nti a mum Kristo aa nloṅ ṅgaà yà. ²⁰ Tsǒ mə a bə laa, ndîm ghà, ghìrə annù yulà a nu mè nî ìkũm Mmà'àmbi yì'inè. Tsi'î tsǒ ndîm ghà a mum Kristo, ghìrê nti gha fwetə.

²¹ Mə ṅwà'ànə laa nloṅ mə mè nàṅşə nzi ajaṅə mə o yu'unə aà. La mè zi mə ò ka ghìrə tsyàtə ajaṅə mə mè swòṅə aà.

²² Ki ṅghèè nî m̀bii ntaṅtə ntja'àndâ bìgì a mbo mè, nloṅ mə mè bii mə Nwĩṅgòṅ à ka yu'u niyè'ê nuu i fa gha fu a mbo bù.

Atsà'atə nlwĩ'isə

²³ Wa Epaphras, yîi bǐ'iyu tswe a atsaṅ mbì'i ñkwitu Kristo Yesu aa, a tsà'atə ghô, ²⁴ Mark, ni Aristarcus, ni Demas, ni Lukas, ṅgǎṅkòrê jya a mûm àfà'à, kii ntsa'atə nî ghô. ²⁵ Tâ ìbòṅ Mmà'àmbi Yesu Kristo tswe bo bì àzwî yuu. Amen.

Bafut
Bafut: N̄toò Kristo yî N̄sigìnè: mìkàà yî mfiì New
Testament

copyright © 1999 Wycliffe Bible Translators, Inc.

Language: Bafut

Contributor: Wycliffe Bible Translators, Inc.

All rights reserved.

2022-10-27

PDF generated using Haiola and XeLaTeX on 21 Feb 2024 from source
files dated 27 Oct 2022

5d039b4a-c9a1-50b1-8a61-176cf48aa271